

四庫全書

集部

欽定四庫全書

御定佩文齋詠物詩選卷四十一

佛日類

五言古

四月八日讚佛詩

晉支遁

三春迭云謝首夏含朱明祥祥令日泰朗朗元夕清苦  
薩彩靈和眇然因化生四王應期來矯掌承玉形飛天  
鼓弱羅騰權散芝英綠瀾顏龍首縹蕊翳流冷芙蓉育

神葩傾柯獻朝榮芬津霈四境甘露凝玉瓶珍祥盈四  
八玄黃曜紫庭感降非情想恬泊無所營元根泯靈府  
神條秀形名圓光朗東旦金姿豔春精含和總八音吐  
納流芳馨跡隨因溜浪心與太虛冥六度啟窮俗八解  
濯世纓慧澤融無外空同忘化情

詠八日詩三首

支遁

大塊揮冥樞昭昭兩儀映萬品誕遊華澄清凝元聖釋  
迦乘虛會圓神秀機正交養衛恬和靈知溜性命動為

務下人寂為無中鏡

其二

真人播神化流淳良有因龍潛兜術邑漂景閭浮瀕佇  
駕三春謝飛轡朱明旬八維披重藹九霄落芳津元祇  
獻萬舞般遮奏伶倫淳白凝神宇蘭泉渙色身投步三  
才泰揚聲五道泯不為故為貴忘奇故奇神

其三

緬哉元古思想託因事生相與圖靈器像也像彼形黃

裳羅帕質玄服拖緋青神為恭者惠跡為動者行虛堂  
陳藥餌蔚然起奇榮疑似垂嚙微我諒作者情于焉遺  
所尚肅心擬太清

五言排律

四月八日題七級

唐駱賓王

化城分鳥堞香閣俯龍川複棟侵黃道重檐架紫烟銘  
書非晉代壁畫是梁年霸略今何在王宮尚巋然二帝  
曾游聖三卿是偶賢因茲遊勝侶超彼託良緣我出有

為界君登非想天悠悠青曠裏蕩蕩白雲前今日經行  
處曲音號蓋烟

御定佩文齋詠物詩選卷四十一

欽定四庫全書

御定佩文齋詠物詩選卷四十二

午日類

五言古

端午效六朝體

元馬祖常

脩篁發秀林  
新荷疊芳池  
采綠擷霧縷  
紗縠含風漪  
麤賓應樂律  
端陽正歲時  
馥馥蘭湯浴  
灑灑蒲酒持  
漢宮闌草戲  
楚船張水嬉  
江心鑄龍鏡  
好用照湘纍

七言古

端午詞

元 張憲

榴花照鬢雲髻熱蟬翼輕綃香疊雪一丈戎葵倚繡窗  
雨足江南好時節五色靈錢傍午燒綵勝金花貼鼓腰  
段家橋下水如潮東船奪得西船標櫂歌聲靜晚山綠  
萬鎰黃金一日銷

五言律

官莊池觀競渡

唐 儲光義

落日吹簫管清池發棹歌船爭先後渡岸激去來波水  
葉藏魚鳥林花間綺羅踟躕仙女處猶似望天河

午日東楊廉夫

元張雨

客有擁琴至吾寧折簡招足音垂谷口雨氣截山腰酒  
倩紅泉瀉花為絳節朝不嫌泥濘極一舸段家橋

五言排律

端午三殿宴羣臣探得神字

唐明皇

五月符天數五音調夏釣舊來傳五日無事不稱神穴

枕通靈氣長絲續命人四時花競巧九子粽爭新方殿  
臨華節圓宮宴雅臣進對一言重道文六義陳股肱良  
足詠風化可還淳

端午

明皇

端午臨中夏時清日復長鹽梅已佐鼎麴蘖且傳觴事  
古人畱跡年深縷續長當軒知權茂向水覺蘆香億兆  
同歸壽羣公共保昌忠貞如不替貽厥後昆芳

端午三殿侍宴應制採得魚字

唐  
張說

小暑夏絃應徽音商管初願齊長命縷來續大恩餘三  
殿褰珠箔羣官上玉除助陽嘗麥薺順節進龜魚甘露  
垂天酒芝花捧御書合丹同蠓蛭灰骨共蟾蜍今日隋  
蛇意銜珠遂闕如

岳州觀競渡

張說

畫作飛鳬艇雙雙競拂流炫裝山色變急棹水華浮土  
尚三閭俗江傳二女游齊歌迎孟姥獨舞送陽侯鼓發

南湖漾標爭西驛樓並馳恒詫速非畏日光道

七言律

及第後江陵觀競渡寄袁州刺史成應元

唐

盧肇

石谿久住思端午館驛樓前看發機鞞鼓動時雷隱隱  
獸頭凌處雪微微衝波突出人齊喊躍浪爭先鳥退飛  
向道是龍剛不信果然奪得錦標歸

銅陵縣端午日寄兄弟

宋

孔武仲

柳浦移舟帶雨行  
奔波南北是平生  
忽驚佳節臨端午  
還記當年客禁城  
丹杏飮盤深簇火  
碧醪傾盞釀堆錫  
菖蒲角粽俱如舊  
何事樽前醉不成

湖亭觀競渡

宋樓鑰

溼度歌舞擁艷君  
兩兩龍舟來往頻  
閏月風光三月景  
二分煙水八分人  
錦標贏得千人笑  
畫鼓敲殘一半春  
薄暮遊舫分散去  
尚餘簫管繞湖濱

端午上饒道中

宋表萬頃

一春畱滯在京華  
午日依前未到家  
細葛香羅素無望  
黃塵烏帽亦堪嗟  
爭舟野渡人如簇  
立馬郵亭日欲斜  
遙想塢簾獻親壽  
綵衣羅拜酌流霞

端午節飲客與趙伯高

元

虞集

龍沙冰井夏初融  
簪筆長隨避暑宮  
蠟燭煙輕畱賈誼  
銅盤露冷賜楊雄  
南村久病思求艾  
北客多情問轉蓬  
忽聽滿船歌白苧  
翻疑昔夢倚春鴻

端陽寫懷

明

高啟

去歲端陽直禁闌  
新題帖子進彤扉  
大官供饌分蒲醑  
中使傳宣賜葛衣  
黃繖回廊朝旭淡  
玉爐當殿午熏微  
今朝寂莫江邊卧  
閒看遊船競渡歸

午日呈鄭久誠叅政

明

王佐

百頃芙蓉罨畫船  
賀家湖上水平天  
金盤送果沉冰椀  
羅扇題詩散舞筵  
往事氛埃成遠夢  
佳辰風雨憶華年  
澗蒲九節根如玉  
服食于今笑學仙

午日庭宴

明

唐順之

南薰應律轉朱旗  
大帝乘離錦席披  
榴吐千花承羽蓋  
冀開五葉拂瑤墀  
冰盤錯出仙人掌  
金縷遙分織女絲  
復道龍舟方競渡  
銜恩更許向昆池

端午賜黃金艾葉銀書靈符等物歲以為常

明  
于慎行

芙蓉闕下玉書宣  
午日恩頒侍從前  
寶葉光分仙島月  
靈符香綴御爐煙  
歲時舊自荆人記  
風俗曾經漢史傳  
聞道宸遊臨太液  
龍舟鳳管畫樓邊

七言絕句

重午

宋 陸游

葉底榴花蹙絳繒  
街頭初賣苑池冰

會稽不藏冰賣者皆自行在來世

間各自有時節  
蕭艾著冠稱道陵

揚州端午呈趙帥

宋 戴復古

榴花角黍鬪時新  
今日誰家不酒樽  
堪笑江湖阻風客  
却隨蒿艾上朱門



御定佩文齋詠物詩選卷四十二

欽定四庫全書

集部

御定佩文齋詠物詩選卷四十

三至  
六

詳校官侍郎

臣

李封

主事銜

臣

徐以坤覆勘

總校官檢討

臣

何思鈞

校對官中書

臣

王璜

謄錄監生

臣

李永寧

欽定四庫全書

御定佩文齋詠物詩選卷四十三

七夕類

五言古

七月七日詠織女

晉  
蘇彥

火流涼風至少昊協素葢織女思北汴牽牛歎南陽時  
來嘉慶集整駕巾玉箱瓊珮垂藻蕤霧裾結雲裳金翠  
耀華輜輶輶散流芳釋轡紫微庭解衿碧琳堂歡讌未

及究晨暉照扶桑仙童唱清道盤螭起騰驤悵悵一宵  
促遲遲別日長

七月七日

晉

李充

朗月垂素景洪漢截皓蒼牽牛難牽牛織女守空箱河  
廣尚可越怨此漢無梁

七夕

宋

孝武帝

開庭鏡天路餘光不可臨  
泂風被弱縷迎輝貫元鍼  
斯藝成無取時物聊可尋

七夕夜詠牛女應制

宋 謝 莊

輟機起春暮停箱動秋衿璇居照漢右芝駕肅河陰容  
裔泛星道逶迤濟煙渚陸離迎宵佩倏燦望昏簪俱傾  
環氣怨共歇浹年心珠殿釭未沫瑤庭露已深夕清豈  
淹拂弦輝無久臨

七夕詠牛女

宋 謝靈運

火逝首秋節新明弦月夕月弦光照戶秋首風入隙凌  
峰步曾崖憑雲肆遙脈徙倚西北庭竦踊東南覲紈綺

無報章河漢有駿輓

七月七日夜詠牛女

宋 謝惠連

落日隱欄楹升月照簾櫳團團滿葉露析析振條風蹀足循廣除瞬目睨曾穹雲漢有靈匹彌年闕相從遐川阻暱愛脩渚曠清容弄杼不成藻聳轡驚前蹤昔離秋已兩今聚夕無雙傾河易迴幹款情難久悰沃若靈駕旋寂寥雲幄空留情顧華寢遙心逐奔龍沈吟為爾感情深意彌重

七夕

梁簡文帝

秋期此時浹長夜徙河靈紫煙凌鳳羽紅光隨玉輶洛陽疑劍氣成都怪客星天梭織來久方逢今夜停

七夕穿針

簡文帝

憐從帳裏出想見夜窗開針敔疑月暗縷散怪風來

織女贈牽牛

梁沈約

紅粧與明鏡二物本相親用持施點畫不照離居人往秋雖一照一照復還塵塵生不復拂蓬首對河津冬夜

寒如此寧遽道陽春初商忽云至暫得奉衣巾施衿已  
成故每聚忽如新

望織女

梁  
范雲

盈盈一水邊夜夜空自憐不辭精衛苦河流未可填寸  
情百重結一心萬處懸願作雙青鳥共舒明鏡前

奉使江州舟中七夕

梁  
庾肩吾

九江逢七夕初弦值早秋天河來映水織女欲攀舟漢  
使俱為客星槎共逐流莫言相送浦不及穿針樓

七夕

庾肩吾

玉匣卷懸衣針樓開夜扉  
姮娥隨月落織女逐星移  
離前念促夜別後對空機  
倩語雕陵鵲填河未可飛

詠織女

梁劉孝威

金鈿已照耀白日未蹉跎  
欲待黃昏至含嬌渡淺河

七夕

陳江總

漢曲天榆冷河邊月桂秋  
婉孌期今夕飄飄渡淺流  
輪隨列宿動路逐彩雲浮  
橫波翻瀉淚束素反緘愁  
此時

機杼息獨向紅粧羞

賦昆明池一物得織女石

隋虞茂

隔河圖列宿清漢象昭回  
支機就鯨口拂鏡取池灰  
船疑海槎渡珠似客星來  
所恨雙蛾斂逢秋遂不開

七夕

隋王春

終年恒弄杼今夕始停梭  
却鏡看斜月移車渡淺河  
長裾動星珮輕帳揜雲羅  
舊愁雖暫止新愁還復多

七夕看新婦隔巷停車

隋陳子良

隔巷遙停憶非復為來遲只言更尚淺未是渡河時

七夕

唐  
張文恭

鳳律驚秋氣龍梭靜夜機星橋百枝動雲路七香飛  
月回雕扇凌霞曳綺衣含情向華幄流態入重幃歡餘  
夕漏盡怨結曉驂歸誰念分河漢還憶兩心違

七言古

七夕曲

唐  
王建

河邊獨自看星宿夜織天絲難接續拋梭振躡動明璫

為有秋期眠不足遙從今夜河水隔龍駕車轅鵲填石  
流蘇翠帳星渚間環珮無聲燈寂寂兩情纏綿忽如故  
復畏秋風生曉路幸迴郎意且斯須一年中別今始初  
明星未出少停車

七夕

唐  
溫庭筠

鳴機札札傳金梭芙蓉澹蕩生池波神軒紅粉陳香羅  
鳳低蟬薄愁雙蛾微光奕奕凌天河鸞咽鶴唳飄飄歌  
彎橋銷盡愁奈何天氣貽蕩雲陂陲平明花木有愁意

露濕綵盤蛛網多

七夕

明  
盧柟

銀闕含秋星欲爛  
天孫脈脈度河漢  
仙環玉珮那可聞  
佳人夜半開簾看  
階前月色疑有霜  
獨坐穿針向畫廊  
東方日出烏鵲曉  
天上人間枉斷腸

五言律

七夕泛舟

唐  
盧照隣

風行秋期至  
鳬舟野望開  
微吟翠塘側  
延想白雲隈  
石

似支機罷槎疑犯宿來天河殊漫漫日暮獨悠哉

七夕

唐  
杜審言

白露含明月青霞斷絳河天街七襄轉閣道二神過  
袿服鐙環珮香筵拂綺羅年年今夜盡機杼別情多

奉和七夕宴兩儀殿應制

唐  
李嶠

靈匹三秋會仙期七夕過槎來人泛海橋渡鵲填河帝  
縷升銀閣天機罷玉梭誰言七襄詠重入五絃歌

奉和七夕宴兩儀殿應制

唐  
蘇頌

靈媛乘秋發仙裝  
警夜催月光窺欲渡  
河色辨應來機石  
天文寫針樓御賞開  
竊觀樓鳥至疑向鵲  
橋迴

牛女

唐  
宋之問

粉席秋期緩針樓別緒多  
奔龍爭渡月飛鵲巧填河  
失喜先臨鏡含羞未解羅  
誰能畱夜色來夕倍還梭

七夕

唐  
楊衡

漢浦常多別星橋忽重遊  
向雲迎翠輦當月拜珠旒  
寢幌凝宵態粧匳開曉愁  
不堪鳴杼日空對白榆秋

七夕

唐祖詠

閨女求天女更闌意未闌  
玉庭開粉席羅袖捧金盤  
向月穿針易臨風整線難  
不知誰得巧明旦試相看

七夕

唐劉禹錫

河鼓靈旗動姮娥破鏡斜  
滿空天是幕徐轉斗為車  
機罷猶安石橋成不礙槎  
寧知觀津女竟夕望雲涯

其二

天衢啓雲帳仙馭上星橋  
初喜渡河漢頻驚轉斗杓  
餘

霞張錦幃輕電閃紅綃非是人間世還憐後會遙

七夕

唐

李賀

別浦今朝暗羅帷午夜愁鵲辭穿線月花入曝衣樓天上分金鏡人間望玉鉤錢塘蘇小小更值一年秋

七夕偶題

唐

李商隱

寶婺搖珠珮嫦娥照玉輪靈歸天上匹巧遺世間人花果香千戶笙竽溢四鄰明朝曬犢鼻方信阮郎貧

壬申七夕

李商隱

已駕七香車心心待曉霞風輕唯響珮日薄不嬌花桂  
嫩傳香遠榆高送影斜成都過卜肆曾妬識靈槎

七夕

元  
傅若金

耿耿玉京夜迢迢銀漢流影斜烏鵲樹光隱鳳皇樓雲  
錦虛張月星房冷閑秋遙憐天帝子辛苦曾牽牛

七言律

辛未七夕

唐  
李商隱

恐是仙家好別離故教迢迢作佳期由來碧落銀河畔

可要金風玉露時  
清漏漸移相望久  
微雲未接過來遲  
豈能無意酬烏鵲  
唯與蜘蛛乞巧絲

七夕

唐

溫庭筠

鵲歸鸞去兩悠悠  
青瑣西南月似鉤  
天上歲時星右轉  
世間離別水東流  
金風入樹千門夜  
銀漢橫空萬象秋  
蘇小橫塘通桂楫  
未應清淺隔牽牛

池塘七夕

溫庭筠

月出西南露氣秋  
綺寮河漢在鉞樓  
楊家繡作鴛鴦慢

張氏金為翡翠鉤銀燭有光妨宿燕畫屏無睡待牽牛  
萬家砧杵三篙水一夕橫塘是舊遊

七夕

唐  
劉威

烏鵲橋成上界通千年靈會此宵同雲收喜氣星橋滿  
雨拂香塵月殿空翠輦不行青草路金鑾徒騁白榆風  
綠盤花閣無窮意只在遊絲一縷中

七夕

唐  
羅隱

絡角星河齒蒼天一家懽笑設紅筵應傾謝女珠璣篋

盡寫檀郎錦繡篇香帳簇成排窈窕金針穿罷拜嬋娟  
銅壺漏報天將曉惆悵佳期又一年

奉和七夕應令

宋韓琦

今宵星漢共晶光應笑羅敷嫁侍郎斗柄易傾離恨促  
河流不盡後期長靜聞天籟疑鳴珮醉折荷花想艷粧  
誰見宣猷堂上宴一篇清韻振金鐙

七夕

宋陳造

龍旌鳳扇一相迎知費青禽幾寄聲天上經年纔舊約

人間轉盼便深更涼河只向尊前落微月偏來酒面明  
後夜玉琴彈別鶴獨應乾鵲夢魂驚

次韻端臣姪七夕

宋 范浚

萬古東西隔女牛停梭期會豈悠悠蝦蟇輪破青天暮  
烏鵲橋橫碧漢秋莫放癡兒歡徹曙且容老子強登樓  
舉瓢更取天漿酌一洗胸中萬斛愁

七夕感興

宋 戴昺

家家懽笑迓星期我輩相邀只酒卮矯俗何須標犢鼻

甘愚不解候蛛絲  
新秋光彩月來處  
半夜清涼風起時  
一曲玉簫塵外意  
此音除是鶴仙知

五言絕句

閏月七夕織女

唐王灣

耿耿曙河微  
神仙此夜稀  
今年七月閏  
應得兩迴歸

七夕

元張昱

乞與人間巧  
全憑此夜秋  
如何針線月  
容易下西樓

七言絕句

七夕

唐 權德輿

今日雲駢渡鵲橋應非脈脈與迢迢  
家人競喜開粧鏡  
月下穿針拜九霄

乞巧

唐 林傑

七夕今宵看碧霄牽牛織女渡河橋  
家家乞巧望秋月  
穿盡紅絲幾萬條

七夕

唐 竇常

露盤花水望三星  
髣髴歸虛無  
為降靈斜漢沒時人不寐

幾條蛛網下風庭

秋夕

唐杜牧

銀燭秋光冷畫屏，輕羅小扇撲流螢。  
天階夜色涼如水，卧看牽牛織女星。

七夕

唐李商隱

鸞扇斜分鳳幄開，星橋橫過鵲飛迴。  
爭將世上無期別，換得年年一度來。

秋登涪陽城

唐李羣玉

穿針樓上閉秋煙  
織女佳期又隔年  
斜漢夜深吹不落  
一條銀浪挂秋天

秋日田園雜興

宋 范成大

朱門乞巧沸歡聲  
田舍黃昏靜掩扃  
男解牽牛女能織  
不須邀福渡河星

七夕

宋 朱淑真

金井西風梧葉稀  
穿針樓上月光微  
天孫也赴今宵約  
不賜人間巧樣機

七夕口占

朱淑真

三秋靈匹此宵期萬古傳聞果是非  
免俗未能還自笑金針乞得巧絲歸

七夕

金元好問

天街奕奕素光移雲錦機閒漏箭遲  
誰與乘槎問銀漢可無風浪借佳期

七夕舟中苦熱

元馬祖常

嘗憶銀牀桐泣露更思玉枕蔗流漿  
天孫初嫁龍綃薄

却恐銀河入夜涼

七夕

元  
吳師道

木槿籬邊絡緯哀，卧看河漢遠天迴。  
西風不管扁舟客，吹下樓頭笑語來。

七夕

明  
石珪

七月七日風雨多，御橋南望水增波。  
鴛鴦自向沙頭宿，不管牛郎信若何。

七夕

明  
馮琦

天空露下夜如何  
漫道雙星已渡河  
見說人間方恤緯  
可知天上不停梭

御定佩文齋詠物詩選卷四十三

欽定四庫全書

御定佩文齋詠物詩選卷四十四

中元類

五言古

七月十五日題章敬寺

唐 德宗

招提邇皇邑，複道連重城。  
法筵會早秋，駕言訪禪扃。  
嘗聞大仙教，清淨宗無生。  
七物匪吾寶，萬行先求成。  
名相既雙寂，繁華奚所榮。  
金風扇微涼，遠煙凝翠晶。  
松院靜

苔色竹房深磬聲境幽真慮恬道勝外物輕意適本非  
說含毫空復情

中元雨中呈子晉

宋朱子

徂暑尚煩鬱大火空西流茲辰喜佳節涼雨忽驚秋晚  
蘭徑滋蕭蕭蒨庭樹幽炎氣一以去恢台逝不留刀筆  
隨事屏塵囂與心休端居諷道言焚香味真諏子亦玩  
文史及此同優游

五言排律

中元日觀法事

唐  
盧拱

四孟逢秋序三元得氣中雲迎碧落步章奏玉皇宮壇  
滴槐花露香飄柏子風羽衣淩縹緲瑤轂輾虛空久慕  
餐霞客常悲集蓼蟲青囊如可授從此訪鴻濛

七言律

中元日齋中作

明  
朱曰藩

陶枕單衾障素屏空齋獨卧雨冥冥  
輞川舊擬施為寺內史新邀寫得經  
窗竹弄秋偏寂歷盂蘭乞食信飄零

年來會得逃禪理長日沈冥不願醒

五言絕句

中元見月

明  
邊貢

坐愛清光好更深不下樓不因逢閏月今夜是中秋

御定佩文齋詠物詩選卷四十四

欽定四庫全書

御定佩文齋詠物詩選卷四十五

中秋類

五言古

中秋月

唐  
歐陽詹

八月十五夕舊嘉蟾兔光斯從古人好共下今宵堂素  
魄皓孤疑芳輝紛四揚徘徊林上頭泛灩天中央皓露  
助流華輕風佐浮涼清冷到肌骨潔白盈衣裳惜此苦

宜翫攬之非可將含情顧廣庭願至沈西方

七言古

和子由中秋見月

宋 蘇軾

明月未出羣山高瑞光千丈生白毫一杯未盡銀闕涌  
亂雲脫壞如奔濤誰為天公洗眸子應費明河千斛水  
遂令冷看世間人照我湛然心不起西南火星如彈丸  
角尾奕奕蒼龍蟠今宵注眼看不見更許螢火爭清寒  
何人艤舟臨古汴千燈夜作魚龍變曲折無心逐浪花

低昂赴節隨歌板青瑩滅沒轉前山浪颭風迴豈復堅  
明月易低人易散歸來呼酒更重看堂前月色愈清好  
咽咽寒螿鳴露草卷簾推戶寂無人窗下呶啞唯楚老  
南都從事莫羞貧對月題詩有幾人明朝人事隨日出  
恍然一夢瑤臺客

中秋見月

宋  
蘇轍

西風吹暑天益高明月耿耿分秋毫彭城閉門青嶂合  
坐聽百步鳴飛濤使君攜客登燕子月色著人如著水

筵前不設鼓與鐘處處笛聲相應起浮雲捲盡流金丸  
戲馬臺西山鬱蟠杯中綠酒一時盡衣上白露三更寒  
扁舟明月浮古汴回首逡巡陵谷變河吞巨野入長淮  
城沒黃流只三板明年築城城似山伐木為堤堤更堅  
黃樓未成河已退空有遺跡令人看城頭看月應更好  
河流深處今生草子孫免被魚鼈食歌舞聊寬使君老  
南都從事老更貧羞見青天月照人飛鶴投籠不能出  
曾是彭城座上客

五言律

八月十五夜月

唐

杜甫

滿目飛明鏡，歸心折大刀。  
轉蓬行地遠，攀桂仰天高。  
水路疑霜雪，林棲見羽毛。  
此時瞻白兔，直欲數秋毫。

其二

稍下巫山峽，猶銜白帝城。  
氣沈全浦暗，輪側半樓明。  
刁斗皆催曉，蟾蜍且自傾。  
張弓倚殘魄，不獨漢家營。

十六夜玩月

杜甫

舊挹金波爽皆傳玉露秋關山隨地濶河漢近人流谷  
口樵歸唱孤城笛起愁巴童渾不寢半夜有行舟

十七夜對月

杜甫

秋月仍圓夜江邨獨老身捲簾還照客倚杖更隨人光  
射潛蚪動明翻宿鳥頻茅齋依橘柚清切露華新

奉和中秋夜錦樓翫月

唐柳公綽

此夜年年月偏宜此地逢近看江水淺遙辨雪山重萬  
井金花肅千林玉露濃不惟樓上思飛蓋亦陪從

奉和中秋夜錦樓翫月

唐 徐放

玉露中秋夜金波碧落開鵲驚初泛濫鴻思共徘徊遠  
目清光徧高室爽氣來此時陪永望更得上燕臺

奉和中秋夜錦樓翫月

唐 崔備

清景同千里寒光盡一年竟天多雁過通夕少人眠照  
別江樓上添愁野帳前隋侯恩未報猶有夜珠圓

鎮西蜀中秋夜錦樓翫月

唐 武元衡

玉輪初滿空迥出錦城東相向秦樓鏡分飛碣石鴻桂

香隨窈窕珠綴隔玲瓏不及前秋見團圓鳳沼中

奉和中秋夜錦樓翫月

唐張正一

高秋今夜月皓色正蒼蒼遠水澄如練孤鴻迴帶霜旅人方積思繁宿稍沈光朱檻叨陪賞尤宜清漏長

奉和中秋夜錦樓翫月

唐王良會

德星搖此夜珥月滿重城杳靄煙雲色飄颻砧杵聲令行秋氣爽樂感素風輕共賞千年聖長歌四海清

八月十五夜觀月

唐劉禹錫

天將今夜月一徧洗寰瀛暑退九霄淨秋澄萬景清星  
辰讓光彩風露發晶英能變人間世儵然是玉京

中秋月

唐

張祜

碧落桂含姿清秋是素期一年逢好夜萬里見明時絕  
域行應徧高城下更遲人間繫情事何處不相思

中秋月

唐

朱慶餘

自古分功定惟應缺又盈一宵當皎潔四海盡澄清靜  
覺風微起寒過雪乍傾孤高稀此遇吟賞倍牽情

中秋越臺看月

唐 李羣玉

海雨洗塵埃，月從空碧來。  
水光籠草樹，練影掛樓臺。  
皓耀迷鯨目，晶瑩失蚌胎。  
宵分凭檻望，應合見蓬萊。

中秋月

唐 潘緯

古今逢此夜，共異次寥明。  
豈是月華別，祇因秋氣清。  
影當中土正，輪對八荒平。  
尋客徒畱望，璿璣自有程。

中秋月

唐 僧無可

蟾宜天地靜，三五對階堂。  
照耀超諸夜，光芒掩衆星。  
影

寒池更澈露冷樹銷青枉值中秋半長乖宿洞庭

中秋夜月

唐  
僧棲白

尋常三五夕不是不嬋娟及到中秋半還勝別夜圓清  
光疑有露皓色爽無煙自古人皆玩年來更一年

中秋月

宋  
韓琦

月滿中秋夜人人惜最明悲歡徒自感圓缺本無情天  
外有相憶世間多不平嫦娥難借問寂寞趁西傾

八月十五夜月

宋  
唐庚

應緣人望望故作遲遲幾歲一相見浮雲寧別時吟  
揀雞臍膊翫覺兔迷離此夕登樓興非關有所思

中秋步月

宋 翁卷

幽興苦相引水邊行復行不知今夜月曾動幾人情光  
逼流螢斷寒侵宿鳥驚欲歸猶未忍清露滴三更

中秋翫月

宋 朱淑真

獨占秋光盛天工信有偏清暉千里共皓魄十分圓光  
影寒猶弄蟾蜍老更堅只愁看未足一去又經年

倪庄中秋

金  
元好問

強飯日逾瘦，袂衣秋已寒。  
兒童漫相憶，行路豈知難。  
露氣入茅屋，谿聲喧石灘。  
山中夜來月，到曉不曾看。

中秋

元  
楊載

攬雲憑結構，步月上林臯。  
不記金樽竭，頻瞻玉宇高。  
神清存夜氣，天闊數秋毫。  
百尺樓如在，何煩卧汝曹。

谿行中秋望月

元  
薩都拉

去歲南閩客，今年此日還。  
中秋八月半，一水萬山間。  
皓

月飛圓鏡迴流轉曲環攜家共清賞何異在鄉關

中秋同何大復看月

明

韓邦靖

令節他鄉酒關山獨夜情看花秋露下望月海雲生碧  
漢通槎近朱樓隔水明南飛有鴻雁作意向人鳴

七言律

八月十五夜聞崔大員外翰林獨直對酒翫月

因懷禁中清景偶題是詩

唐

白居易

秋月高懸空碧外仙郎靜翫禁闈間歲中唯有今宵好

海內無如此地閒  
皓色分明雙闕榜  
清光深到九門關  
遙聞獨醉還惆悵  
不見金波照玉山

酬樂天八月十五夜禁中獨直翫月見寄

唐  
元稹

一年秋半月偏深  
況就煙霄極賞心  
金鳳臺前波漾漾  
玉鈎簾下影沈沈  
宴移明處清闌路  
歌待新詞促翰林  
何意枚臯正承詔  
瞥然塵念到江陰

鶴林寺中秋翫月

唐  
許渾

待月東林月正圓  
廣庭無樹草無煙  
中秋雲盡出滄海  
半夜露寒當碧天  
輪彩漸移金殿外  
鏡光猶掛玉樓前  
莫辭達曙殷勤望  
一墮西巖又隔年

八月十五夜翫月

唐  
劉滄

中秋朗月靜天河  
烏鵲南飛客恨多  
寒色滿窗明枕簟  
清光凝露拂煙蘿  
桂枝斜漢流靈魄  
蘋葉微風動細波  
此夜空庭聞木落  
蒹葭霜磧鴈初過

八月十五夜同衛諫議看月

唐  
秦韜玉

常時月好賴新晴不似年年此夜生  
初出海濤疑尚濕漸來雲路覺偏清  
寒光入水蛟龍起靜色當天鬼魅驚  
豈獨座中堪仰望孤高應到鳳皇城

八月十五夜

唐  
殷文圭

萬里無雲鏡九州最團圓夜是中秋  
滿衣冰彩拂不落偏地水光凝欲流  
華嶽影寒清露掌海門風急白潮頭  
因君照我丹心事減得愁人一夕愁

中秋夜獨遊安國寺山亭院步月李益遲明至

寺中求與聯句

唐 僧廣宣

九重城接天花界，三五秋分一夜風。  
行聽漏聲雲散後，遙聞天樂月明中。

廣宣

含涼閣近通仙掖，承露盤高出上

宮。誰問獨愁園外理，清談不與此宵同。

李益

酬王君玉中秋席上待月值雨

宋 歐陽脩

池上雖然無皓魄，樽前殊未減清歡。  
綠醅自有寒中力，紅粉尤宜燭下看。  
羅綺塵隨歌扇動，管絃聲雜雨荷乾。

客舟閒卧王夫子詩陣教誰主將壇

和仲寧中秋赴飲莊宅

宋

周必大

方語頑陰蔽月堂坐看涼吹動枯楊疾驅雲陣千重翳  
盡放冰輪萬丈光莫問蚌珠圓合浦且聽羯鼓打西涼  
疎狂自我何須撓撓取吹笙玉雪郎

中秋集鮑樓作

宋

徐璣

秋在湖樓正可過扁舟窈窕逐菱歌淡雲遮月連煙白  
遠水生涼入夜多已是高人難會聚矧逢佳節共吟哦

明朝此集喧城市應說風流是永和

中秋

金

李俊民

露下天街一氣涼月明不復被雲妨  
正當金帝行秋令疑是銀河洗夜光  
蛟室影寒珠有淚蟾宮風散桂飄香  
席間醉客忙歸去獨共三人盡此觴

中秋望驛亭對月代祀北還

元

張翥

月色滄波共渺茫驛亭雜坐看湖光  
仙家刻玉青蟾兔帝子吹笙白鳳皇  
蘆葉好風生晚思桂花清露濕空涼

回槎使者秋懷闊，倒瀉銀河入酒觴。

中秋禁中對月

明楊慎

漢家臺殿號明光，月滿秋高夜未央。  
銀箭金壺催漏水，仙音法曲獻霓裳。  
路車天遠鸞聲靜，宮扇風多雉影涼。  
千里可憐同此夕，美人迢遞隔西方。

中秋

明石沆

江邨此夕意如何，道是橋平水不波。  
彷彿空中倚樓閣，分明鏡裏現山河。  
常筵自對賢人酒，得意閒吟孺子歌。

明月若教陪盡夜只拚清露濕漁蓑

五言絕句

中秋月

唐

李嶠

盈缺青冥外東風萬古吹何人種丹桂不長出輪枝

中秋

唐

司空圖

閒吟秋景外萬事覺悠悠此夜若無月一年虛度秋

七言絕句

華陽觀中八月十五夜招友翫月

唐  
白居易

人道秋中明月好欲邀同賞意如何  
華陽洞裏秋壇上  
今夜清光此處多

中秋夜君山臺望月

唐  
李涉

大堤花裏錦江前詩酒同遊四十年  
不料中秋最明夜  
洞庭湖上月當天

和元郎中從八月十二到十五夜翫月

唐  
王建

半秋初入中旬夜已向堦前守月明從未圓時看却好  
一分分見傍輪生

其二

今夜月明勝昨夜新添桂樹近東枝立多地濕舁牀坐  
看過牆西寸寸遲

其三

合望月時常望月分明不得似今年仰頭五夜風中立  
從未圓時直到圓

中秋夜不見月

唐 羅隱

陰雲薄暮上空虛，此夕清光已破除。  
只恐異時開霽後，玉輪依舊養蟾蜍。

中秋月

唐 成彥雄

玉母粧成鏡未收，倚闌人在水晶樓。  
笙歌莫占清光盡，畱與谿翁一釣舟。

中秋月

宋 蘇軾

暮雲收盡溢清寒，銀漢無聲轉玉盤。  
此生此夜不長好，

明月明年何處看

中秋月

宋  
文同

隔林灩灩生寒浪倚漢岩岩數亂峰記得舊山曾此夕  
碧巖千尺坐高松

其二

望外物容澄似水坐中秋力凜如刀此身直願乘雙翼  
飛上三峰第一高

中秋登望海樓

宋  
米芾

目窮淮海兩如銀萬道虹光育蚌珍天上若無脩月戶  
桂枝撐損向西輪

中秋李漕冰壺燕集

宋戴復古

把酒冰壺接勝遊今年喜不負中秋故人心似中秋月  
宵為狂夫照白頭

中秋不見月

宋朱淑真

不許蟾蜍此夜明今知天意是無情何當撥去閑雲霧  
放出光輝萬里清

十六夜孤山看月歌

明 王穉登

白頭田父出當年寺下江深水拍天  
滄海自從成陸後  
禪宮漸與月宮連

中秋長干曲

明 周天球

內橋南走是長干十里平鋪白玉寒  
踏盡馬蹄塵不動  
半窗明月此中看

御定佩文齋詠物詩選卷四十五

欽定四庫全書

御定佩文齋詠物詩選卷四十六

九日類

四言古

九日侍宴

齊

蕭子良

月殿風轉層臺氣寒高雲斂色遙露已團式詔司警言  
戾秋巒輕觴時薦落英可食

九日侍宴樂遊苑

梁

沈約

憑玉宅海端宸御天上流飛壑靜震騰川凝神貫極搞  
道漏泉西表委衽南風在絃暮芝始綠年桂初丹上林  
葉下滄池水寒霜霑玉樹雁動銀瀾停蹕玉陛徙衛璇  
墀瑤箱鳳綵羽蓋鸞姿虹旗迢遞翠華歲蕤禮引灞汭  
義高洛湄

九日侍宴樂遊苑

梁丘遲

朱明已謝蓐收司禮爰理秋祓備揚旌榮奉璋峨峨金  
貂濟濟上林弘敞離宮非一綵殿迴風丹樓映日隨珠

甲帳屯衛周悉睟容徐動天儀澄謐雲物游颺光景高  
麗枯葉未落寒花委砌絲桐激舞楚雅閒慧參差繁響  
殷勤流詣

五言古

九日賦韻

梁簡文帝

是節協陽數高秋氣已精檐芝逐月啟惟風依夜清遠  
燭承歌黛斜橋聞履聲梁塵下未息共愛賞心并

九日侍宴樂游苑應令

梁庾肩吾

轍跡光周頌巡游盛夏功鉤陳萬騎轉閭闔九關通秋  
暉逐行漏朔氣繞相風獻壽重陽節迴鑒上苑中疏山  
開輦道間樹出離宮玉醴吹巖菊銀牀落井桐御梨寒  
更紫仙桃秋轉紅飲羽山西射浮雲冀北驄塵飛金埒  
滿葉破柳條空騰猿疑矯箭驚雁避虛弓彫材濫杞梓  
花綬接鸛鴻愧乏天庭藻徒參文雅雄

五言同管記陸瑜九日觀馬射

陳  
後主

晴朝麗早霜秋景照堂皇  
榦慄風威切荷彫池望荒樓  
高看鴈下葉散覺山涼歇  
霧含空翠新花濕露黃飛禽  
接旆影度日轉鉞光連翻北  
幽騎馳射西園傍勒移碼  
碯色鞭起珊瑚揚已同過隙  
遠更異良弓藏且觀千里  
汗仍瞻百步楊非為從逸  
賞方追塞外羗

重陽日即事

唐  
德宗

令節曉澄霽四郊煙靄空  
天青白露潔菊散黃金叢寡  
德荷天貺順時休百工豈懷  
歌鐘樂思為君臣同至化

在亭育相成資始終未知康衢詠所仰惟年豐

九月九日劉十八東堂集

唐李頎

風俗尚九日此情安可忘菊花辟惡酒湯餅茱萸香雲  
入授衣假風吹閒宇涼主人盡歡意林景晝微茫清切  
晚砧動東西歸鳥行淹留悵為別日醉秋雲光

同徐侍郎五雲谿新亭重陽宴作

唐獨孤及

萬峰蒼翠色雙谿清淺流已符東山趣况值江南秋白

露天地肅黃花門館幽山公惜美景肯為芳樽畱五馬  
照池塘繁絃催獻酬臨風益嘉帽乘興李膺舟騁望傲  
千古當歌遺四愁豈令永和人獨擅山陰遊

九日岳陽待黃遂張渙

唐

劉長卿

別君頗已久離念與時積楚水空浮煙江樓望歸客徘徊正佇想彷彿如暫覲心目徒自親風波尚相隔青林泊舟處猿鳥愁孤驛遙見郭外山蒼然雨中夕季鷹久疎曠叔度早疇昔返棹來何遲黃花候君摘

九日澄上作寄崔主簿倬二李端繫

唐  
韋應物

淒淒感時節，望望臨澄埃。  
翠嶺明華秋，高天澄遙淞。  
寒流愈迅，霜交物初委。  
林葉索已空，晨禽迎颼起。  
時菊乃盈泛，濁醪自為美。  
良遊雖可娛，殷念在之子。  
人生不  
自省營欲無終已，孰能同一酌陶然冥斯理。

九日贈司空文明

唐  
李端

我有惆悵詞，待君醉時說。  
長來逢九日，難與菊花別。  
摘

却正開花暫言花未發

奉和聖製九日言懷賜中書門下及百寮應制

唐  
權德輿

令節在豐歲皇情喜久安  
絲竹調六律簪裾列千官  
煙霜暮景清水木秋光寒  
筵開曲池上望盡終南端  
天麗慶霄漢墨妙鵷飛鸞  
願言黃花酒永奉今日歡

奉和聖製重陽日即事六韻  
權德輿

嘉節在陽數至歡朝野同  
恩隨千鍾洽慶屬五稼豐  
時

菊洗露華秋池涵霽空金絲響仙樂劍舄羅羣公天道  
光下濟賡歌敷大中多慙擊壤曲何以達堯聰

奉和聖製重陽日百寮曲江宴示懷

唐

崔元翰

偶聖覩昌期受恩慙弱質幸逢良宴會況是清秋日遠  
岫對壺觴澄瀾映簪紱息烹備豐膳象鳳調鳴律薄劣  
廁英髦歡娛忘衰疾平臯行雁下曲渚雙鳬出沙岸菊  
開花霜枝果垂實天文見成象帝念資勤恤探道得玄

珠齋心居特室豈如橫汾唱其事徒驕逸

五言律

奉和九日幸臨渭亭登高應制

唐  
李嶠

令節三秋晚重陽九日歡仙杯還汎菊寶饌且調蘭御  
氣雲霄近乘高宇宙寬今朝萬壽節宜向曲中彈

奉和九日幸臨渭亭登高應制

唐  
沈佺期

御氣幸金方憑高薦羽觴魏文頌菊蕊漢武賜萸囊去  
鶴畱笙吹歸鴻識舞行臣懼重九慶日月奉天長

重九日宴江陰

唐  
杜審言

蟋蟀歸期晚茱萸節候新降霜青女月送酒白衣人高  
興要長壽卑棲隔近臣龍沙即此地舊俗坐為鄰

奉和九日幸臨渭亭登高應制

唐  
蘇瓌

重陽早露晞睿賞暇秋磯菊氣先薰酒萸香更襲衣清

切絲桐會縱橫文雅飛恩深答效淺畱醉奉宸暉

奉和九日幸臨渭亭登高應制

唐

李適

禁苑秋光入宸遊霽色高萸房頌綵筍菊蕊薦香醪後  
騎紫堤柳前旌拂御桃臣枚俱得從疎淺愧飛毫

奉和九日幸臨渭亭登高應制

唐

韋嗣立

層觀遠沈沈鑾旗九日臨行宮壓水岸步輦入煙岑枝

上苑新採樽中菊始斟願陪歡樂事長與歲時深

奉和九日幸臨渭亭登高應制

唐

趙彥伯

九日報仙家三秋轉翠華呼鷹下烏路戲馬出龍沙簪  
掛丹萸蕊杯銜紫菊花所願同微物年年共辟邪

九日

唐

杜甫

舊日重陽日傳杯不放杯即今蓬鬢改但媿菊花開北  
闕心長戀西江首獨回茱萸賜朝士難得一枝來

其二

舊與蘇司業兼隨鄭廣文  
采花香泛泛坐客醉紛紛  
野樹散還倚秋砧醒却聞  
歡娛兩冥冥西北有孤雲

九日得新字

唐孟浩然

九日未成旬重陽即此辰  
登高聞故事載酒訪幽人  
落帽恣懽飲授衣同試新  
茱萸正可佩折取寄情親

九月九日李蘇州東樓宴

唐獨孤及

是菊花開日當君乘興秋  
風前孟嘉帽月下庾公樓  
酒

解留征客歌能破別愁醉歸無以贈祇奉萬年酬

九日間居寄登高數子

唐 錢起

初服棲窮巷重陽憶舊游門閒謝病日心醉授衣秋酒  
盡寒花笑庭空暝雀愁今朝落帽客幾處管絃畱

九日登李明府北樓

唐 劉長卿

九日登高望蒼蒼遠樹低人煙湖草裏山翠縣樓西霜  
降鴻聲切秋深客思迷無勞白衣酒陶令自相攜

九日陪劉中丞宴送客

唐 朱放

獨坐三臺妙重陽百越間水心觀遠客霜氣入秋山不  
棄遺簪舊寧辭落帽還仍聞西上客咫尺謁天顏

九日陪崔峒郎中北山宴

唐嚴維

上客南臺至重陽此會文菊芳寒露洗杯翠夕陽曛務  
簡人同醉谿間鳥自羣府中官最小唯有孟參軍

九日奉陪侍中宴白樓

唐盧綸

露白菊氛氲西樓盛襲文王筵秋令節金錢漢元勳說  
劍風生座抽琴鶴遶雲謏儒無以荅願得備前軍

九日登樟亭驛樓

唐許渾

鱸膾與蓴羹秋風片席輕潮回孤島遠雲斂衆山晴丹  
羽下高閣黃花垂古城因秋倍多感鄉樹接咸京

九日陪崔大夫宴清河亭

唐李羣玉

玉醴泛金菊雲亭敞玳筵晴山低盡浦斜雁遠書天謝  
朧離都日殷公出守年不知瑤水宴誰和白雲篇

婺州水館重陽日作

唐韋莊

異國逢佳節憑高獨苦吟一杯今日酒萬里故鄉心水

館紅蘭合山城紫菊深白衣雖不至鷗鳥自相尋

九月十日

唐

僧皎然

愛寄柴桑隱名谿近訟庭掃沙開野步搖舸出閒汀宿  
簡邀詩伴餘花在酒瓶悠然南望意自有峴山青

九日和于使君思上京親故

唐

僧靈澈

清晨有高會賓從出東方楚俗風煙古汀洲草木涼山  
青來遠思菊意在重陽心憶華池上從容鴈鷺行

重陽舟中

宋

戴復古

扁舟何寂莫絕不見人家無處沽邨酒何從問菊花  
山淡相對節序漫云嘉牢裏烏紗帽西風日又斜

九日

元 范梈

楚楚臨階菊重陽特地開慰人良有意報汝愧無才  
杵聞雞發鄰觴送蠨來采英吾欲寄悵望倚江臺

九日同馬君卿任宏器登高

明 何景明

歲歲重陽菊開時不在家那知今日酒還對故園花  
野靜雲依樹天寒雁聚沙登臨無限意何處望京華

五言排律

奉和聖製重陽節宰臣及羣臣上壽應制

唐王維

四海方無事，三秋大有年。  
百生逢此日，萬壽願齊天。  
芍藥和金鼎，茱萸插玳筵。  
玉堂開右个，天樂動宮懸。  
御柳疎秋影，城烏拂曙煙。  
無窮菊花節，長奉柏梁篇。

九日陪潤州邵使君登北固山

唐張子容

五馬向山椒重陽坐麗譙徐州帶綠水楚國在青霄張  
幕連江樹開筵接海潮凌雲詞客語迴雪舞人嬌梅福  
慙仙吏羊公賞下僚新豐酒舊美況是菊花朝

九日勤政樓觀百寮獻壽

唐 權德輿

御氣黃花節臨軒紫陌頭早陽生綵仗霽色入仙樓獻  
壽皆鸞鷟瞻天盡冕旒菊樽過九日鳳曆肇千秋樂奏  
薰風起杯酣瑞影收年年歌舞席此地慶皇休

七言律

九日登望仙臺仍呈劉明府

唐崔曙

漢文皇帝有高臺此日登臨曙色開  
三晉雲山皆北向  
二陵風雨自東來  
關門令尹誰能識  
河上仙翁去不回  
且欲近尋彭澤宰  
陶然共醉菊花杯

重陽

唐高適

節物驚心兩鬢華  
東籬空繞未開花  
百年將半仕三已  
五畝就荒天一涯  
豈有白衣來剝啄  
一從烏帽自欹斜  
真成獨坐空搔首  
門柳蕭蕭噪暮鴉

九日藍田崔氏莊

唐 杜甫

老去悲秋強自寬興來今日盡君歡  
羞將短髮還吹帽笑倩傍人為整冠  
藍水遠從千澗落玉山高並兩峰寒  
明年此會知誰健醉把茱萸仔細看

九日衛使君筵上作

唐 武 瓘

佳辰登賞喜還鄉謝宇開筵前興長  
滿眼黃花初泛酒隔煙紅樹欲迎霜  
千家門戶清歌發十里江山白鳥翔  
共賀安人豐樂歲幸陪珠履侍銀章

重陽日訪元秀上人

唐 鄭谷

紅葉黃花秋景寬  
醉吟朝夕在樊川  
却嫌今日登山俗  
且共高僧對榻眠  
別畫長懷吳寺壁  
宜茶偏賞霅谿泉  
歸來童稚爭相笑  
何事無人與酒船

九日水閣

宋 韓琦

池館隳摧苔榭荒  
此延嘉客會重陽  
雖慙老圃秋容淡  
且看寒花晚節香  
酒味已醇新過熟  
蟬黃先實不須霜  
年來飲興衰難強  
漫有高吟力尚狂

次韻蘇伯固主簿重九

宋 蘇軾

雲間朱袖拂雲和，知是長松掛女蘿。  
髻重不嫌黃菊滿，手香新喜綠橙搓。  
墨翻衫袖吾方醉，紙落雲煙子思多。  
只有黃雞與白髮，玲瓏應識使吾歌。

九日寄秦觀

宋 陳師道

疾風回雨水明霞，沙步叢祠欲莫鴉。  
九日清樽欺白髮，十年為客負黃花。  
登高懷遠心如在，向老逢辰意有加。  
淮海少年天下士，可能無地落烏紗。

重九會郡樓

宋 米芾

山清氣爽九秋天黃菊紅茱萸滿泛船千里結言寧有後  
羣賢畢至稷居前杜郎聞客今焉是謝守風流古所傳  
獨把秋英緣底事老來情味向詩偏

九日登天湖以菊花須插滿頭歸分韻賦詩得

歸字

宋 朱子

去歲瀟湘重九時滿城寒雨客思歸故山此日還佳節  
黃菊清樽更晚暉短髮無多休落帽長風不斷且吹衣

相看下視人寰小祇合從今老翠微

己未九日子服老弟及仲宣諸友載酒見過坐  
間居厚廟令出示佳句歎伏之餘次韻為謝

朱子

籬菊斑斑半吐黃  
泝中又報紫萸香  
裝成令節秋還晚  
撩得高情老更狂  
載酒極知垂勝踐  
沾衣却免歎斜陽  
餘年只恐逢辰少  
吟罷君詩引興長

重陽九經堂作

宋

范成大

俗聞佳節自匆匆老去愁秋又客中青嶂卷簾三面月  
黃花吹鬢幾絲風十年故國新栽柳萬里他鄉舊轉蓬  
誰與安排今夜夢片帆飛到小籬東

九日同出真珠園

宋 林光朝

來自清源葛已覃君王問獵我猶堪百年耆舊如重見  
九日登臨得縱談才子不知汾水上仙人長在大江南  
明珠照夜應無數要是層波更好探

九日

元 張養浩

一行作吏廢懽遊  
九日登臨擬盡酬  
詩有少陵難著語  
菊無元亮不成秋  
雲山自笑頭將鶴  
人海誰知我亦鷗  
幸遇佳辰莫辭醉  
浮雲今古劇悠悠

九日登石頭城

元薩都拉

九日吟鞭聚石頭  
翠微高處倚晴秋  
西風不定雁初度  
落木無邊江自流  
兩眼欲窮天地觀  
一杯深護古今愁  
烏臺賓主黃華宴  
未必龍山是勝遊

九日

元周權

座上風流憶孟嘉憑高目斷楚天涯百年歲月催蓬鬢  
十載江湖負菊花小雨釀寒侵白苧西風憐醉避烏紗  
閒攜柳栗吟歸路流水殘雲帶晚鴉

聖駕九日天壽山登高獻三閣下

明  
潘緯

仙輿九日駐郊圻清蹕傳呼上翠微朔塞秋聲連畫角  
陵園霜色雜朱旂千官馬逐層巖轉萬乘龍隨磴道飛  
欲記明良遊豫盛野人終愧賦才非

五言絕句

九日至微山亭

唐 許敬宗

心逐南雲逝形隨北雁來故鄉籬下菊今日幾花開

擬江令於長安歸揚州九日賦 許敬宗

本逐征鴻去還隨落葉來菊花應未滿請待詩人開

其二

遊人倦蓬轉鄉思逐鴻來偏想臨潭菊芳蕊對誰開

九日

唐 王勃

九日重陽節開門有菊花不知來送酒若箇是陶家

九日進茱萸山詩

唐張說

家居洛城下舉目見嵩山刻作茱萸節情生造化間

其二

黃花宜泛酒青岳好登高稽首明庭內心為天下勞

其三

菊酒携山客萸囊繫牧童路疑隨大隗心似問鴻蒙

其四

九日重陽數三秋萬寶成時來謁軒后罷去坐蓬瀛

其五

晚節歡重九高山上五千醉中知偶聖夢裡見尋仙

九日陪元魯山登北城留別

唐蕭穎士

山縣繞古堞悠悠快登望雨餘秋天高目盡無隱狀

九日寄姪簪箕亭

唐錢起

采菊偏相憶傳香寄便風今朝竹林下莫使桂樽空

九日

唐權德輿

重九共歡娛秋光景氣殊他時頭似雪還對插茱萸

六言絕句

潛昭九日贈龍團次韻

元  
袁 桷

月碾舊裁玉胯雲鑪溫浴銀芽九日殷勤相贈淡羅猶  
記金花

九日寄興

元  
葉 顥

黃菊香殘夜雨烏紗醉落秋風回首十年舊事亂雲流  
水西東

七言絕句

九日

唐  
德宗

禁苑秋來爽氣多  
昆明風動起滄波  
中流簫鼓誠堪賞  
詎假橫汾發棹歌

九日宴

唐  
張諤

秋葉風吹黃颯颯  
晴雲日照白鱗鱗  
歸來得問茱萸女  
今日登高醉幾人

九月九日憶山東兄弟

唐  
王維

獨在異鄉為異客每逢嘉節倍思親遙知兄弟登高處  
偏插茱萸少一人

九日作

唐  
王縉

莫將邊地比京都八月嚴霜草已枯今日登高樽酒裏  
不知能有菊花無

九日田舍

唐  
錢起

今日吾家野興偏東籬黃菊映秋田浮雲暝鳥飛將盡  
始達青山新月前

重陽日酬李觀

唐

皇甫冉

不見白衣來送酒，但令黃菊自開花。  
愁看日晚良辰過，步步行尋陶令家。

禁中九日對菊花酒憶元九

唐

白居易

賜酒盈杯誰共持，宮花滿把獨相思。  
相思只傍花邊立，盡日吟君詠菊詩。

九日寄行簡

白居易

摘得菊花携得酒，繞邨騎馬思悠悠。  
下邳田土平如掌，

何處登高望梓州

重陽日至峽道

唐  
張籍

無限青山行已盡  
回看忽覺遠離家  
逢高欲飲重陽酒  
山菊今朝未有花

九日

唐  
黃滔

陽數重時陰數殘  
露濃風硬欲成寒  
莫言黃菊開花晚  
獨占樽前一日歡

重九會光化二園

宋  
韓琦

誰言秋色不如春及到重陽景自新  
隨分笙歌行樂處  
菊花莫子更宜人

重陽後菊花

宋

范成大

寂莫東籬濕露華  
依前金靨照泥沙  
世情兒女無高韻  
只看重陽一日花

舟中九日

宋

宋伯仁

巴得重陽未到家  
短篷根底憶黃花  
烏紗不為西風舞  
空與同舟說孟嘉

九日道中凄然憶潘邠老之句

宋  
方岳

滿城風雨近重陽  
城腳誰家菊自黃  
又是江南離別處  
煙寒吹雁不成行

九日感懷

元  
黃庚

新橙初試蠃螯肥  
一曲清歌酒一卮  
料得故園秋正好  
黃花應怪客歸遲

九日郭外

元  
郝經

谿上蒼煙一道開  
誰家日夕採菱回  
片帆不舉波間過  
無限好山波底來

次德衡弟九日以萸酒來貺

元

蒲道源

萸如蠅子攢頭赤  
酒似鷺兒破殼黃  
饋我真成兩奇絕  
為君大醉作重陽

九日登玉霄峰

元

曹文晦

嶺頭回首是官塘  
野樹青紅天雨霜  
清氣著人吟不盡  
玉霄峰頂過重陽

九日獨酌

明  
劉效祖

南山遙對菊花開  
欲採無人為舉杯  
縱說柴桑貧謝客  
何曾不許白衣來



御定佩文齋詠物詩選卷四十六

# 欽定四庫全書

集部

御定佩文齋詠物詩選卷

四十七至五十六

詳校官侍郎

臣李封

主事銜

臣徐以坤覆勘

總校官檢討

臣

何思鈞

校對官中書

臣

王璵

謄錄監生

臣

藍表璐

欽定四庫全書

御定佩文齋詠物詩選卷四十七

臘日類

五言古

殘臘獨出

宋

蘇軾

幽尋本無事，獨往意自長。  
釣魚豐樂橋，採杞逍遙堂。  
羅浮春欲動，雲日有清光。  
處處野梅開，家家臘酒香。  
路逢眇道士，疑是左元放。  
我欲從之語，恐復化為羊。

五言律

臘八日發桐城

明陶安

邑人生悵快送別郭東門凍木知春早晴風捲霧昏石  
橋分古道野燒露新痕行處山農說畱聲到子孫

臘日

明李先芳

臘日煙光薄郊園朔氣空歲登通蜡祭酒熟釀邨翁積  
雪連長陌枯桑起大風邨邨聞賽鼓又了一年申

七言律

臘日

唐  
杜甫

臘日常年暖尚遙今年臘日凍全消  
侵陵雪色還萱草漏洩春光有柳條  
縱酒欲謀良夜醉還家初散紫宸朝  
口脂面藥隨恩澤翠管銀鬕下九霄

臘後歲前過景詠意

唐  
白居易

江梅半白柳微黃凍水初融日欲長  
度臘都無苦霜霰迎春先有好風光  
郡中起晚聽衙鼓城上行慵倚女牆  
公事漸閒身且健使君殊未厭餘杭

己卯臘八日雪為魏伯亮賦

元虞集

官橋柳外雪飛綿  
客舍樽前急管絃  
僧粥曉分驚臘日  
獵園晨出憶殘年  
白頭長與青山對  
華屋誰為翠黛憐  
惟有寒梅能老大  
獨將清艷向江天

其二

漫空飛絮散輕綿  
所異寒威欲折絃  
縣令溫存僵卧叟  
詞人解頌太平年  
剪雲為葉煩相寄  
種玉成田不受憐  
丹鼎溫溫千歲熟  
樂天事業在知天



御定佩文齋詠物詩選卷四十七